

МЕТОДОЛОГИК ИЗОХ

2018 йилдан бошлаб Марказий банк Тўлов баланси ва халқаро инвестицион позиция бўйича Қўлланманинг олтинчи нашрига (ТБҚ 6. ХВФ, 2009 й.) мувофиқ тўлов баланси, халқаро инвестицион позицияси ва ташқи қарз кўрсаткичларини тайёрлаб келмоқда.

Ташқи сектор статистикасини (тўлов баланси ва халқаро инвестицион позицияси) тузишдан асосий мақсад мамлакатнинг ташқи иқтисодий фаолиятини, хусусан унинг кўрсаткичлари, валюта курси сиёсати, резервларни бошқариш ва эҳтимолий рискларга нисбатан ташқи таъсирчанлигини таҳлил қилиш учун умумлаштирилган асосни таъминлашdir.

Ўзбекистон Республикасининг тўлов баланси, халқаро инвестицион позицияси ва ташқи қарзи бўйича маълумотлар фойдаланувчиларга чораклик асосда тақдим этилади.

Тўлов баланси, халқаро инвестицион позиция ҳамда ташқи қарз бўйича маълумотлар сўнгги мавжуд маълумотлар асосида муентазам равишда қайта кўриб чиқилиши мумкин.

Ушбу методологиянинг изохи Тўлов баланси ва халқаро инвестицион позиция бўйича Қўлланманинг олтинчи нашридан (ТБҚ 6. ХВФ, 2009 й.) олинган бўлиб, фойдаланувчиларга тўлов балансининг асоси, принциплари ва кўрсаткичларининг таркибини тушунишларини осонлаштиришга мўлжалланган.

1.1 Тўлов балансининг методологик стандартлари.

Тўлов баланси – маълум бир давр мобайнida резидент ва норезидентлар ўртасидаги иқтисодий операцияларни умулаштирган кўринишда акс эттирувчи тизимлаштирилган макроиқтисодий ва статистик ҳисобот. Маълумотлар ТБҚб асосида ҳисоб юритишнинг стандарт қоидалари ва тамойилларига мувофиқ тузилади ва таснифланади.

Таърифлар ва асосий тамойиллар.

Таркибий жиҳатдан тўлов баланси жорий операциялар ҳисоби, капитал операциялари ҳисоби ва молиявий ҳисобдан иборат. Жорий операциялар ҳисоби савдо баланси, бирламчи ва иккиламчи даромадлар балансини қамраб олади. Капитал операциялари ҳисоби ишлаб чиқарилмаган номолиявий активлар ва капитал трансферларининг келиб тушиши /чиқиб кетишини кўрсатади. Молиявий ҳисоб тўғридан-тўғри инвестициялар, портфел инвестициялар, молиявий деривативлар, бошқа инвестициялар ва резерв активларидан иборатdir.

Жорий операциялар ҳисоби ва капитал операциялари ҳисоби сальдоларининг йиғиндиси қолган дунёning соғ кредитланишини (тўлов баланси сальдосини) кўрсатади. Назарий жиҳатдан у молиявий ҳисоб сальдосига тенг бўлиши керак. Молиявий ҳисоб ҳамда нооперацон ўзгаришлар (курс, нарх ва бошқалар) йиғиндиси халқаро инвестицион позициянинг давр боши ва охиридаги қолдиқлар ўртасидаги фарқни беради.

Иқтисодий бирлик – иқтисодий манфаатлари маркази мамлакатнинг иқтисодий ҳудудида бўлганда ҳамда бир йилдан ортиқ бўлган муддат давомида мамлакат ҳудудида доимий яшаш жойига эга бўлганда резидент ҳисобланади. Бунда жисмоний шаҳслар учун резидентлик фуқаролигидан қатъий назар аниқланади.

Мамлакатнинг иқтисодий ҳудуди ҳукумат томонидан бошқариладиган ва бир хил қонунчилик амал қиласидиган унинг географик ҳудудидан иборатdir.

Жисмоний ёки юридик шахс давомий ёки муддати бўйича чекланмаган вақт давомида мамлакатнинг иқтисодий ҳудуди доирасида маълум бир жойлашув – турар жой, ишлаб чиқариш жойи ёки кўчмас мулкка эга бўлганда **мамлакатда иқтисодий манфаатлар марказига эга** ҳисобланади.

Иқтисодий секторлар

Тўлов баланси молиявий ҳисобининг таркибий қисмлари – тўғридан тўғри инвестициялар, портфел инвестициялар, молиявий деривативлар ва бошқа инвестициялар – операцияларни амалга ошираётган резидентлар бўйича гурухланади:

Марказий банк – Ўзбекистон Республикаси Марказий банки;

Марказий банкдан ташқари депозит ташкилотлар – Ўзбекистон Республикасининг тижорат банклари;

Ҳукумат – давлат бошқарувининг марказий ва маҳаллий органлари;

Бошқа соҳалар икки турга бўлинади: бошқа молиявий ташкилотлар (микромолиявий ташкилотлар, сўғурта ташкилотлари ва бошқалар) ҳамда номолиявий ташкилотлар, уй хўжаликлари ва уй хўжаликларига хизмат кўрсатувчи нотижорат ташкилотлар.

Транзакцияларнинг турлари

- айирбошлашлар – операциянинг бир иштирокчиси томонидан иқтисодий қийматнинг унга тенг бошқа қийматга ўтказилишини англатувчи айирбошлаш сифатида талқин қилинадиган транзакциялар. Тўлов балансида акс этувчи транзакцияларнинг аксарияти айирбошлашлар сифатида таснифланиши мумкин;

- трансфертлар – бир томон бошқа бир томонга ҳеч қандай мажбуриятларсиз иқтисодий қийматни тақдим қилишини ифодаловчи транзакциялар.

- инобатга олинадиган транзакциялар – тўлов балансида инобатга олинадиган ва акс эттириладиган, амалда тўлови бажарилмаган яъни ҳисоблаб ёзилган транзакциялар.

Юқорида қайд этилган транзакциялар тўлов балансининг ҳисобларида қўйидагича акс эттирилади:

Товарлар мамлакатнинг чегарасини кесиб ўтувчи товарлар билан амалга ошириладиган барча транзакцияларни ёки резидент ва норезидентлар ўртасида эгалик ҳуқуқининг ўтишини (тўлов балансининг методологияси бўйича товарлар экспорти ва импорти, портларда сотиб олинган товарлар ва номонетар олтин) ўз ичига олади.

Хизматлар резидентнинг норезидентга ва норезидентнинг резидентга кўрсатган барча турдаги хизматларни қамраб олади ва қўйидагиларга бўлинади:

- бошқа томонга тегишли бўлган моддий ресурсларни қайта ишлаш билан боғлиқ хизматлар;

- бошқа категорияларга тегишли бўлмаган ремонт ва техник хизмат кўрсатиш билан боғлиқ хизматлар;

- барча турдаги транспорт хизматлари (йўловчи, юк ва бошқалар);

- саёҳатлар (иш ва туризм мақсадларида Ўзбекистонда саёҳат қилаётган норезидентларнинг харажатлари ҳамда иш ва туризм мақсадларида хорижда саёҳат қилаётган резидентларнинг харажатлари);

- молиявий воситачиларнинг хизматлари;

- бошқа категорияларга кирувчи хизматлар (қурилиш, сўғурта, компьютер ва ахборот хизматлари, бошқа иш билан боғлиқ хизматлар, хусусий шахсларга кўрсатилган маданий ва дам олишга оид хизматлар, бошқа категорияларга мансуб бўлмаган давлат товарлари ва хизматлари);

Бирламчи даромадлар резидент ва норезидентлар ўртасидаги икки турдаги оқимларни кўрсатади:

- иш берувчи томонидан иш ҳақи эвазига пул ёки натурал шаклда тўланган ишчининг даромади бўлиб, бунда операцияларнинг иштирокчилари турли резидентлик мавқеига эга. Бу мукофотлар ташриф буюрилган мамлакатда тўланадиган ва жорий трансфертлар сифатида акс эттириладиган солиқларни ҳам ўз ичига олади. Ташриф буюрилган мамлакатдаги ишчиларнинг харажатлари «Хизматлар» бўлимининг «Сафарлар» компонентида акс эттирилади;

- инвестицион даромадлар резидентнинг ташқи активлари ёки ташқи мажбуриятлар бўйича қўлга киритган ёки тўлаб бериши лозим бўлган даромадларни ўз ичига олади. Инвестицион даромадлар тўғридан тўғри

инвестициялар, портфел инвестициялар, бошқа инвестициялар ва резерв активлари бўйича даромадларни ўз ичига олади. Инвестицион даромадлар дивидендлар, реинвестиция қилинган даромадлар, фоизлар ва сұғурта ҳамда нафақа схемаларига эга шахсларнинг ва инвестицион фондларнинг пайларига эга шахсларга тўланган маблағлардан иборат.

Иккиласмчи даромадлар резидент ва норезидентлар ўртасидаги жорий трансферларни кўрсатади. Ушбу даромадлар категориясида бир иқтисодиётдан бошқа иқтисодиётга ҳеч қандай мажбуриятларсиз ўтказилган молиявий ёки моддий ресурслар акс эттирилади. Грантлар, гуманитар ва техник кўмаклар иккиласмчи даромадларнинг энг кўп тарқалган мисоллари ҳисобланади. Мазкур гурӯҳ, шунингдек, жорий ҳалқаро ҳамкорлик, жорий даромад солиқлари, шахсий трансферлар, ижтимоий тўловлар ва ҳаётни сұғурталаш билан боғлиқ бўлмаган сұғурта тўловларни ҳам ўз ичига олади.

Капитал ҳисоби резидент ва норезидентлар ўртасидаги олиниши ёки тўланиши лозим бўлган капитал трансферларни, шунингдек, ишлаб чиқарилмаган номолиявий активларнинг сотиб олиниши ёки сотилишини акс эттиради. Трансферт агар асосий фондларни сотиб олиш мақсадига ега бўлса ёки капитал қурилишни назарда тутса капитал ҳисобланади.

Ишлаб чиқарилмаган номолиявий активлар шартномалар, лицензиялар, маркетинг активлари ва табиий ресурслар (яъни, ер) каби номоддий активларни ўз ичига олади.

Молиявий ҳисоб активлар ва мажбуриятлар бўйича тўғридан тўғри инвестициялар, портфел инвестициялар, молиявий деривативлар, бошқа инвестициялар ва резерв активлари каби бўлимларга ажратилади.

Тўғридан-тўғри инвестициялар ҳалқаро инвестицияларнинг категорияси бўлиб, бунда бир иқтисодиётнинг резиденти (тўғридан-тўғри инвестор) узоқ муддатли фаолият юритиш учун бошқа иқтисодиётнинг резидентининг (тўғридан-тўғри инвестиция киритилган корхона) улушларини сотиб олади. Компаниянинг овоз бериш ҳуқуқини берувчи оддий акцияларининг 10%идан кам бўлмаган улушига ёки акциядорлик жамияти шаклида бўлмаган компанияда мос улушга эгалик қилувчи инвестор тўғридан-тўғри инвестор ҳисобланади. «Тўғридан-тўғри инвестициялаш» тушунчаси ўзаро боғлиқ корхоналар ўртасида маблағ ва моддий ресурслар киритилишини ҳам қамраб олади (корхоналар, уларнинг филиаллари ва бош оғислари ўртасидаги капитал инвестициялар). Тўғридан тўғри инвестициялар акциядорлик капитали, реинвестиция қилинган даромад ва бошқа даромадларни ўз ичига олади.

Портфел инвестициялар инвестицион фондларнинг акция ва пайлари ҳамда қарз қимматли қоғозлари каби шаклларга эга. Ҳалқаро бозорларда муомалада бўлган қарз қимматли қоғозлари бозор нархларида акс эттирилади.

Молиявий деривативлар бу молиявий воситалар бўлиб, бунда улар маълум бир молиявий воситаларга, кўрсаткичларга ёки хом-ашё товарларига боғланади ҳамда улар орқали махсус молиявий хатарлар сотилиши ёки сотиб олиниши мумкин. Молиявий деривативлар бўйича транзакциялар своп, опцион, кафолат, депозит ва бошқалар бўйича транзакцияларни ўз ичига олади ҳамда соф асосда баҳоланади.

Бошқа инвестициялар биринчи навбатда молиявий активларнинг соф ўзгариши ва молиявий мажбуриятларнинг соф ўзгариши бўлнимларига ажратилади. Бошқа инвестициялар бошқа қимматли қоғозлар, валюта ва депозитлар, қарз мажбуриятлари, сұғурта ва нафақа схемалари, савдо кредитлари ва аванслари, тушум/тўлов учун бошқа ҳисобларни қамраб олади.

Бошқа қимматли қоғозлар тўғридан тўғри инвестициялар ёки резерв активлари бўлмаган инвестицияларни ўз ичига олади. Бошқа қимматли қоғозлар қимматли қоғозлар шаклида бўлмайди, шунинг учун қимматли қоғозлар бўлимiga киритилмайди.

Валюта ва депозитлар Марказий банк, тижорат банклари, айрим ҳолларда бошқа институционал секторларга нисбатан барча талабларни ўз ичига олиб, нақд пул ва тангалар ҳамда депозит кўринишида бўлади.

Суғурта, нафақа дастурлари ва стандарт суғурта дастурлари (а) суғурта техник захиралари (ҳаётни суғурталашдан ташқари), (б) ҳаёт суғуртаси ва аннитет бўйича тўлов ҳуқуқи, (в) нафақа олиш ҳуқуқи, (г) нафақа жамғармалари маблағларини бошқарувчи компанияларга нисбатан нафақа жамғармаларининг талаблари, (д) нафақа жамғармалари билан боғлиқ бўлмаган ижтимоий тўлов учун ҳуқуқ, (е) стандарт кафолат бўйича талабларни қоплаш учун захираларни ўз ичига олади.

Савдо кредитлари ва аванслари товар ва кўрсатилган хизматларга нисбатан эгалик ҳуқуқи бошқа шахсга ўтган пайтда у учун тўлов ўша пайтнинг ўзида амалга оширилмаслик ҳолатида пайдо бўлади. Агар эгалик ҳуқукининг ўтишигача тўлов амалга оширилса, савдо аванси ўринли бўлади.

Тушум / тўлов учун бошқа ҳисоблар юқорида келтирилган категориялардан ташқари тушум / тўлов учун бошқа ҳисоблардан иборат.

Максус қарз олиш ҳуқуқи (МҚҲ) халқаро резерв активи бўлиб, ХВФ томонидан яратилган ва унинг аъзоларига уларнинг расмий резервларини қўллаб-қувватлаш мақсадида ажратилади. МҚҲга фақат ХВФ аъзоларининг монетар органлари ва чекланган миқдордаги халқаро молиявий институтлар эгалик қилиши мумкин.

Резерв активлари ташқи активлар бўлиб, Марказий банк ихтиёрида бўлади ва у томонидан тўлов балансини молиялаштириш, валюта бозорида интервенцияни амалга ошириш ва шу билан боғлиқ бошқа мақсадларда фойдаланилади.

Тўлов баланси **икки ёқлама ёзув тизими** асосида шакллантирилади. Ҳар бир транзакция бир хил катталиқдаги иккита ёзув билан акс эттирилади. Ёзувларнинг бири кредит бўйича, бошқаси дебет бўйича амалга оширилади. Масалан, экспорт операцияси амалга оширилганда, ушбу транзакция тўлов балансининг «экспорт» қисмида кредит бўйича ва «Активлар – валюта ва депозитлар» қисмида дебет бўйича акс эттирилади. Барча дебет ва кредит ёзувларининг йиғиндиси нолга teng бўлиши керак. Аммо амалиётда кўп ҳолларда ҳисоблар мувозанатлашмайди. Тўлов баланси учун маълумотлар кўпинча турли хил манбалардан олинади ва бунинг оқибатида фарқлар пайдо бўлиб, улар «соф хато ва йўқотишлар» қаторида акс эттирилади.

Кредит бўйича ёзувлар экспорт, олинган бирламчи ва иккиламчи даромадлар ва ишлаб чиқарилмаган номолиявий активларнинг хариди бўйича амалга оширилади.

Дебет бўйича ёзувлар импорт, тўланган бирламчи ва иккиламчи даромадлар ва ишлаб чиқарилмаган номолиявий активларнинг сотуби бўйича амалга оширилади.

Халқаро ҳисоблар **молиявий ҳисобдаги соф ўзгаришлар ёзуби тамойилига амал қиласи**. Соф ёзувлар тамойили тўлов балансининг айнан бир томонидаги маълум бир молиявий активлар ва мажбуриятларнинг соф ўзгаришини кўрсатади (ўсишдан пасайишни айриш орқали). Молиявий активлар ва мажбуриятлар бўйича транзакциялар «Молиявий активларнинг соф ўзгариши» ва «Молиявий мажбуриятларнинг соф ўзгариши» бўлимида акс эттирилади. Молиявий активларнинг соф ўзгариши активнинг ошиши ва айнан шу активнинг камайиши ўртасидаги фарқقا тенгдир. Мусбат ишорали ёзув активларнинг кўпайишини, манфий ишорали ёзув активларнинг камайишини англатади. Молиявий мажбуриятларнинг соф ўзгаришини ҳисоблашда активларни ҳисоблашдаги каби усулдан фойдаланилади.

Бозор нархлари халқаро ҳисобларни баҳолашнинг асоси ҳисобланади. Транзакциялар бўйича бозор нархлари харидорнинг ихтиёрий равишда бирор-бир нарсани уни ихтиёрий равишда сотаётган сотувчига тўлашга тайёр бўлган маблағларнинг ҳажми каби аниқланади. Айирбошлиш фақатгина мустақил шахслар ўртасида ва тижорат мақсадларида амалга оширилади.

Транзакциянинг қайд этилиш вақти – мулк ҳуқуқи ўтишининг ҳақиқий ёки баҳоланган вақти. Бу транзакция молиявий ҳисботларда акс эттирилган вақтдир.

Тўлов балансининг стандарт ва таҳлилий кўриниши

Стандарт кўриниши – тўлов баланси кўрсаткичлари миллий ҳисоблар ва бошқа макроиктисодий статистикага мувофиқ бўлган шаклда гурухланади.

Тўлов балансининг таҳлилий кўриниши – халқаро резервлар, халқаро донорларнинг кредитлари ва бошқа манбалар томонидан тўлов балансининг умумий салдосини молиялаштириш манбаларини акс эттириш мақсадида тўлов балансининг стандарт кўринишини қайта ташкил қилишни кўзда тутади.

1.2. Маълумотларнинг манбалари ва компонентларни тузиш бўйича изоҳлар

Давлат божхона қўмитаси, Давлат статистика қўмитаси, маҳсулот тақсимотига оид келишув бўйича корхоналар ва операторларнинг маълумотлари, Давлат персоналлаштириш маркази, Марказий банк, Молия вазирлиги, Ташқи ишлар вазирлиги ва бошқа давлат ҳамда хусусий ташкилотлар тўлов балансини тузиш учун керакли маълумотларнинг асосий манбалари ҳисобланади.

Маълумотларнинг сифатини яхшилаш ва уларнинг методология билан мувофиқлигини таъминлаш мақсадида олинган ҳисоботлар билан бирга айрим ўзгартиришлар киритилади.

Товарларнинг импорт/экспортига оид маълумотлар

Тўлов балансида экспорт ва импортга оид маълумотлар ФОБ нархларида акс эттирилади. Товарларнинг олиб кирилиши ва олиб чиқилиши бўйича маълумотлар Давлат божхона қўмитасидан олинади. Импорт қилинаётган товарларнинг СИФ нархлари товар юкландиган минтақа ва чегарадаги транспорт тури инобатга олинган ҳолда товарнинг оғирлиги бўйича ҳисобланган коэффициент асосида тўғирланади.

Давлат божхона қўмитасидан олинган расмий маълумотлар олтин экспортига оид маълумотлар билан тўлдирилади ва Марказий банк томонидан амалга ошириладиган «мокилик» экспорти ва импортини баҳолаш ҳамда қўшимча маълумотлар ва асосий савдо ҳамкорлари бўйича «қарама-қарши» статистикадан аниқланган фарқлар асосида тўлдирилади.

Жисмоний шахслар томонидан кейинчалик қайта сотиш мақсадида олиб кирилган/олиб чиқилган товарларнинг нархи «мокилик» савдоси иштирокчилари сонининг улар томонидан экспорт ёки импорт қилинган товарларнинг (мамлакатнинг барча ҳудудларидағи аэропорт ва чегара постларида ҳар чорақда ўтказилган сўровнома асосида шакллантирилади) ўртacha нархларига кўпайтириш орқали ҳисобланади.

Халқаро хизматлар:

Транспорт хизматлари бўйича расмий маълумотлар Давлат статистика қўмитасидан олинади. Салмоқли ва етмаётган компонентлар бўйича қўшимча маълумотлар олинади ва ҳисоб-китоб қилинади. Хусусан:

Транспорт хизматлари бўйича

- ҳаво, темир йўл ва автомобил транспортига оид хизматларнинг ҳажми баҳоланади. Масалан, ҳаво транспортига оид хизматлар ҳаво транспорти орқали мамлакатга келган ва уни тарк этган чет эл фуқароларининг сонини (миллий авиатранспорт хизматидан фойдаланган Ўзбекистон фуқароларини чиқарип ташлаган ҳолда) Ўзбекистон фуқароларининг ташриф буюрадиган асосий мамлакатларига бориш чиптасининг ўртacha нархига кўпайтириш йўли билан аниқланади;

- ҳаво транспорти орқали амалга ошириладиган экспорт бўйича маълумотлар, шунингдек Ўзбекистон аэропортларидағи ҳаво кемалари орқали экспорт қилинган ҳамда хорижий мамлакатларидаги Ўзбекистоннинг ҳаво кемалари орқали импорт қилинган товарлар ҳақидаги маълумотлар миллий ваяташувчидан олинади;

- норезидентлар учун ташиладиган юкларнинг ҳажми ва нархига оид маълумотлар «Ўзбекистон темир йўллари» АҚдан олинади;

- СИФ-ФОБ бўйича тузатишлар ҳар бир транспорт тури бўйича импорт қийматларига мазкур транспорт тури бўйича импорт ҳажмининг унинг умумий ҳажмидаги улушидан келиб чиқиб алоҳида қўшилади.

Сафарлар бўйича:

- иш билан боғлиқ туризмнинг дебети ва кредити бўйича Давлат статистика қўмитасининг маълумотларига қисқа муддатли ишчиларнинг хорижда ишлаш даврида амалга оширган харажатлари қўшилади;

- шахсий сафарларнинг (туризм) дебети ва кредити бўйича туризм хизматлари экспорти ва импортининг қийматлари чегара хизмати маълумотлари ва 2018 йилнинг май ойида Давлат статистика қўмитаси томонидан ўтказилган туризмга оид сўровнома натижалари асосан ҳисоблаб чиқилади. Резидентлардан олинган туризмга оид сўровнома натижалари бўйича шакллантирилган коэффициентлар транспорт харажатлари қийматларини ҳам ўз ичига олганлиги сабабли транспорт харажатларини икки марта ҳисобга олишни олдини олиш учун мақсадида улар туризм дебетидан чиқариб ташланади.

Бошқа хизматлар бўйича:

- бошқа категорияларга кирмайдиган давлат хизматлари ҳақидаги маълумотларни акс эттириш учун Ташқи ишлар вазирлигидан олинадиган маълумотлардан фойдаланилади.

- суғурта билан боғлик хизматларни акс эттириш учун маълумотлар суғурта компанияларидан олинади ҳамда фарқлар аниқланган ҳолатларда тузатишлар киритилади. Бундан ташқари, СИФ-ФОБ тузатуввлви бўйича ҳисобланган юкларни суғурталаш хизматлари ҳам акс эттирилади.

Бирламчи даромадлар

- бирламчи даромадларнинг ҳисоб-китoblari Марказий банк томонидан шакллантирилдиган пул ўтказмаларига оид маълумотлар ва Давлат божхона қўмитаси томонидан 2018 йилгача шакллантирилган нақд хорижий валютанинг олиб киритилишига оид маълумотлар асосида амалга оширилади. Маълумотлар Ўзбекистон Республикаси ҳудудидаги элчихоналар ва халқаро муассассаларда ишлаётган резидентлар даромадларининг ҳажми билан тўлдирилади.

Қисқа муддатли ишчиларнинг иш хақларини баҳолаш техник қўмак бериш миссияси доирасида ХВФ мутахассиси томонидан тавсия этилган тартибда амалга оширилади. Бунда қисқа муддатли ишчилар сонининг қолдигини аниқлашда ҳисоб-китобларда жорий ва сўнгги уч чорақда хорижга ишлаш мақсадида борган Ўзбекистон фуқаролари сонининг камаювчи қолдиқ коэффициенти қўлланилади. Қисқа муддатли ишчилар тушумларининг жами қийматини аниқлаш учун уларнинг сонини даромадларининг ўртacha қийматига кўпайтирилади. Мазкур ёндашувни қўллаш орқали уларнинг сафар харажатлари ва солик ҳамда патент божлари ҳам аниқланади.

- инвестицион даромадлар Марказий банк, тижорат банклари, Молия вазирлиги ва маҳсулот тақсимотига оид битим (МТБ) асосида фаолият юритувчи корхоналардан олинган маълумотлар асосида ҳисобланади. Бунда тижорат банклари кафолатланмаган хусусий қарз бўйича ҳисоб-китобларга оид маълумотларни тақдим қиласа, Молия вазирлиги эса ҳукумат томонидан ёки унинг кафолати остида жалб қилинган қарз маблағлари бўйича ҳисоб-китобларга оид маълумотларни тақдим қиласади.

Иккиласмчи даромадлар

- шахсий ўтказмалар ҳисоби Марказий банк томонидан шакллантирилган халқаро пул ўтказмалари оқими маълумотлари ва Давлат божхона қўмитаси томонидан 2018 йилгача тузилган олиб кирилган нақд чет эл валютаси маълумоти асосида амалга оширилади. Ўзбекистон фуқоралари томонидан олинган умумий халқаро пул ўтказмалари ва олиб кирилган нақд чет эл валютаси қийматидан қиска муддатдаги ишчиларнинг соғ даромади айрилиб ҳисобланади.

- пул кўринишида тақдим этилган грантлар ҳақидаги маълумотлар тижорат банклари томонидан тақдим қилинади, товар ва маҳсулот кўринишида олинган инсонпарварлик ёрдами эса Давлат божхона қўмитаси томонидан тақдим қилинадиган маълумотлардан олинади.

- Молия вазирлиги Ўзбекистон Республикасининг халқаро ташкилотларга тўланган тўловлари ҳақида маълумот беради.

Капитал ҳисоб

Капитал трансферлар тижорат банклари ва бошқа маълумот ресурсларидан олинган маълумотлар асосида тузилади.

Молиявий ҳисоб

Түғридан-түғри инвестициялар

- түғридан-түғри инвестициялар ҳақида маълумотлар Халқаро валюта жамғармаси томонидан тавсия килинган ҳисбот формаларида Давлат статистика қўмитаси тарафидан амалга оширилган сўровнома натижалари асосида тузилади. Шу билан бирга, маҳсулот таҳсимотига оид битимлар доирасида фаолият юритаётган корхоналар ўзларига киритилган инвестициялар ҳақида маълумот берадилар. Тижорат банкларига ва нобанк молиявий ташкилотларга (суғурта компаниялари, лизинг компаниялари ва бошқалар) амалга оширилган түғридан-түғри инвестициялар ҳақидаги маълумотлар тижорат банклари ва нобанк молиявий ташкилотлар томонидан тақдим қилинади. Ўзаро боғлиқ корхоналар ўртасидаги фирмалараро қарзлар бўйича маълумотлар тижорат банклари томонидан тақдим қилинади.

- Ўзбекистон корхоналариниг чет элга киритган түғридан түғри инвестициялари қиймати сезиларли даражада емас. Шунингдек, уларнинг реал ҳажмини маъмурӣ маълумотлар ёрдамида аниқлашнинг имкони мавжуд эмас.

Портфел инвестициялар

- портфел инвестициялар ҳақида маълумотлар Халқаро валюта жамғармаси томонидан тавсия килинган ҳисбот формаларида Давлат божхона қўмитаси тарафидан амалга оширилган сўровнома натижалари асосида тузилади. Тижорат банкларига ва нобанк молиявий ташкилотларга (суғурта компаниялари, лизинг компаниялари ва бошқалар) амалга оширилган портфел инвестициялар ҳақидаги маълумотлар тижорат банклари ва нобанк молиявий ташкилотлар томонидан тақдим қилинади. Муомалада бўлган кимматли қоғозларнинг бозор нархлари түғрисидаги маълумотлар «Bloomberg»дан олинади.

Бошқа инвестициялар

- ташқи қарз ва вакиллик ҳисбидаги колдиқлар ҳақидаги маълумотлар Марказий банк, Молия вазирлиги ва тижорат банклари маълумотлари асосида тузилади;

- савдо кредитлари тижорат банкларидан олинадиган ҳисботлар асосида тузилади.

Резерв активлари

- Марказий банк резерв активлари ҳақидаги маълумотлар манбаи ҳисбланади.

1.3. Халқаро инвестицион позициясининг методологик стандартлари

Ўзбекистон Республикасининг Халқаро инвестицион позицияси (ХИП) тўлов баланси ва халқаро инвестицион позицияси Қўлланмасининг олтинчи нашри асосида тузилади (ТБҚб).

ХИП маълум бир давр учун мамлакатнинг ташқи молиявий активлари ва мажбуриятларининг қолдиғини кўрсатади. ХИП Марказий банк, Марказий банқдан ташқари депозит қабул қилувчи корпорациялар, ҳукумат ва бошқа секторлар каби турли институционал секторларнинг норезидентларга нисбатан талаб ва мажбуриятларининг тўлиқ таркибини ўз ичига олади. Бу ҳисботнинг асосий бўлимлари молиявий ҳисоб бўлимларига түғри келади: түғридан-түғри инвестициялар, портфел инвестициялар, молиявий деривативлар, бошқа инвестициялар ва резерв активлари.

Иқтисодиётнинг молиявий активлари ва мажбуриятлари ўртасидаги фарқ соф инвестицион позицияга тенгdir. Шундай қилиб, ХИПдаги сектор «соф кредитор» ёки «соф қарздор» бўлиши мумкин.

ХИП жадвал кўринишида тузилиб, ўзида операциялар бўйича оқимлар ва қолдиқларни акс эттиради.

1.4. Ўзбекистон Республикаси ташқи қарзи бўйича маълумотлар манбалари ва кўрсаткичларнинг шакллантирилиши.

Ўзбекистон Республикасининг ташқи қарзи Ўзбекистон Республикаси резидентларининг ташқи қарз бўйича, шунингдек ташқи қарз бўйича ҳисбланган, аммо ҳали тўланмаган фоизлари бўйича қарздорлик қолдиқларини ўзида акс эттиради. Ташқи қарз, хусусий сектор ташқи қарзи ва давлат ташқи қарзига бўлинади.

Давлат ташқи қарзи, Ўзбекистон Республикаси ҳукумат томонидан ёки унинг кафолати остида олинган кредитларни ўз ичига олади.

Ўзбекистон Республикаси Молия вазирлиги давлат қарзлари бўйича келиб тушган маблағлар, ҳисобланган фоизлар ва амалга оширилган тўловлар ҳақида маълумотларни тақдим этади.

Хусусий сектор ташқи қарзи бош компаниялар томонидан тақдим қилинган қарздорликларни ҳисобга олган ҳолда, Ўзбекистон Республикаси ҳукумати кафолатисиз олинган ташқи қарздорликларни ўз ичига олади. Хусусий секторнинг ташқи қарзи бўйича маълумотлар тижорат банклари томонидан тақдим қилинади.

Хусусий сектор ташқи қарзлари бўйича маълумотлар иқтисодиёт секторларининг кесимида (нефтегаз ва energetika, bank, telekomunikaqia, tekstil va boşqa sektorlarda) шаклланади.

Шунингдек, асосий қарзнинг ва фоизларнинг сўндирилиш прогнозлари ҳақидаги маълумотлар ҳам банклар томонидан тақдим қилинади.

1.5. Маълумотлар тузишнинг қонуний асослари.

1. «Ўзбекистон Республикаси Марказий банки тўғрисида» ва «Валютани тартибга солиш тўғрисида»ги Ўзбекистон Республикасининг Қонунлари (янги таҳрирда).
2. Ўзбекистон Республикаси Президентининг 2018 йил 9 январдаги УП-5296-сонли «Ўзбекистон Республикаси Марказий банкининг фаолиятини тубдан такомиллаштириш чора-тадбирлари тўғрисида»ги Фармони.
3. Ўзбекистон Республикаси Президентининг 2017 йил 12 сентябрдаги Р-5054-сонли «Ўзбекистон Республикасининг иқтисодий ва молиявий кўрсаткичларининг оммабоплиги ва очиқлигини таъминлаш чора-тадбирлари тўғрисида»ги Фармойиши.
4. Ўзбекистон Республикаси Вазирлар Маҳкамасининг 2018 йил 3 апрелдаги 263-сон «Ўзбекистон Республикасининг ташқи сектори статистикаси шакллантирилишини таъминлаш чора-тадбирлари тўғрисида»ги Қарори.